

我花草
臨江草

翁靖康集

蘇子卿

PDG

善本

序

栽花一草筠樓王人在蜀作宅主人好花
每以為花不論何名當其開時俱有可觀
凡凡國色天香稱為玉堂富貴宅家居屋
三楹養素心蘭數盆環以桂樹牕外小苑多
種海棠採其榦以為籬疎密互環曲折如意
始近矯強久成自然花開則散步其旁于今
不知盤結幾許矣仕於蜀治南廣東軒有隙

地一區別亟呼園丁治焉蜀之花大半與閩相似
而香遜之公事稍閑踈其土培其根庇護其枝
葉蓓蕾畧有未至則躬自偃倭指導雖僕從
竊笑之不顧蓋賓其結習使然昔歐陽公守滁
築琅琊醉翁二亭批栽花紙尾云我欲四時
携酒至莫效一日不花開風流韻事予載如見
其人主人嘗書其語于廳壁早歲嗜酒近不
飲者已二十多年每以酬酢花晨則勉寫之於

詩是草色或取以和竹或藉以滌煩或因寄
所托或比類而成則又總不離乎花之性情者
是深紅淺白先後均氣世尚有謝希深其人
乎願更送而商酌之時丁巳嘉平月筠樓翁霍
霖自題

栽花草

莆田翁靈霖傳宗

一字筠樓

水仙花

和敬禮堂廣文韻

水宮仙界總希奇
姑射生來雪作肌
只有林泉供地主
更無烟火污天姿
步隨曉艷凌波好
影帳春寒佇月知
合倩伯牙琴入伴
紙窗橫膝共支持

老少年

四首鳳翔書院作

羣芳漸覺困颼颼
一葉銀床已報秋
偶爲小園添潤色
頓教大地盡風流
靈脂琥珀疑齊化
俗眼胭脂却費求
合是長身兼壽骨

樹高

於他處借
用東坡句欄杆遮半影還留

遶過長廊復短廊，撩人情緒是秋光。
紅參柏葉飄尤重，黃點槐花

踏未忙。

時適舉
賓興禮

冒雨經霜成結習，迎鴻送鷺任登場。

一名雁
來紅

羯來

瞥見驚何事，樹樹珊瑚簇一行。

一團深暈一團含，蜀錦鮮明比未堪。
銀燭照粧宜夜睡，玉壺命酒

是朝酣。飄翩盡把霞光散，爛漫多因露氣涵。
莫作渡頭桃葉根，秋

風惆悵望江南。

依然裙屐共招邀，小字傳來更韻饒。
名士華顛影仍好，美人遲暮恨都銷。
籬間問爾誰搖落，階下憑他未寂寥。
爭說河陽花一樣，不

知朱紫是根苗

桃花

四首時在漁家坳嶺上見

艷骨本諸天。凡塵亦帶仙。李家爲姊妹。杏苑是姻緣。色相朝霞外。韶華宿雨邊。寧論根與葉。對影便堪憐。

憶與崔郎別。穠華自旦昏。嬌誰人類面。黥爲爾銷魂。去後憑千樹。過來又一村。幾迴愁欲寄。渺渺竟無言。

流水易匆匆。疎林澹點紅。最宜深澗畔。斜傍小橋東。冠蓋驚何自。胭脂染未工。相逢翻一笑。此日是春風。

多恐落泥沙。飄英故未賒。何年人悟道。是歲樹開花。洞口憑尋路。

門前便到家應須作芳美

用錢仲事

相約醉流霞

秋海棠

四首和徐芷堂司馬韻

何年寂處怯秋光
默數韶華黯自傷
生與黃花同甲子
媒憑紅葉又風霜
淡如有意還含睇
愁到無言是斷腸
那得做他春睡樣
高燒銀燭任堂堂

褪紅衣袂逗輕妝
履迹侵苔近井床
無與士耽唯靜穆
不因人熱故清涼
牽愁乍對朝雲碧
望眼俄驚夕照黃
銀蒜雙垂簾半捲
可憐旖旎最情長

竹枝低亞影相當
隨月娟娟漸轉廊
泪眼欲行憐薛女
風情未老

憶徐娘多生淨土神仙侶小立空階姊妹行誰向泥中呼小婢得
毋唐突此幽芳

涼風天末太倉皇生長唯依薜荔牆有恨固應時帶泪多情原是
不關香疎開猶作連枝勢微韞都成半面妝莫便輕翻西府譜兒
家幽怨別難量

老少年 又十首錦官途中作有引

樹劇可人壬子歲於鳳翔書院魯咏四律今秋聲將三轉
矣月朔向錦官促裝適逢庚伏局坐肩輿炎熇之氣中人
忽憶前作信口續拈便覺有園林意積燠頓消因並存之

甲寅六月三日內江道中識

官閣清陰早護芽滿庭
麗色勝於花秋生楓柏涼
初染景入桑榆照未斜
但見紅雲圍劄石誰將紫
氣擁窓紗曉來試向高軒
望可把霜華悞鬢華

枝枝葉葉鎮勾留靜對涼
颺好自由丹鼎有方應服
食綵囊隨伴可優游迴年
剛作從頭艷換骨翻成繞
指柔仍是英華仍是韻何
曾晚節不風流

卑枝敢復計高攀點綴時
還見一斑自是夙根傳血
性不關大藥駐朱顏名花
合與多栽縣小草何妨共
出山贏得紫芝眉宇好莎

庭竹閣錦官間

栽培天意果如何
蔗境微推理則那
直向蕭辰看爛漫
再無春事
怨蹉跎
丹砂乞得移根便
紅葉緣成結子多

樹長時子
即綴其下

一樣九霄

同雨露讓他桃李自陽和

艷艷驚看照眼時
畫工藻繪苦難施
花容偶爾初連續
酒暈無端
盡上肌名
趁雁來真不悞
影留驚蹴尚多疑
唯應絳縣尋根蒂
藍綠終朝那得知

慣從罨畫點秋光
滿眼深紅似鬪裝
是影是形都不問
爲花爲葉
恰相當風霜
借作留春景
天地生成却老方
笑煞東籬稱壽客
殘

簾入瘦總淒涼

常將顏色問青精花葉書成遠隔程輾轉難忘唯節序消磨未盡

是風情歌殘金縷君須惜

杜秋娘歌云勸君莫惜金縷衣勸君須惜少年時

擊碎銅壺客

莫驚歲歲紅箋傳有信固應長奉此嘉名

白華亦擬補笙詩腸斷頻年此事非謂是逢秋多絮絮誰知計日

每依依故山躑躅枝應長客地梧桐葉又飛千點露珠千點淚斑

爛忍說老萊衣

也曾選佛過山門蒼苔林中間主人已悟空花都有色却憐諸樹

正多因香烟待證三生石火氣難消萬劫塵偶被西堂偷覺破丹

霞指點是前身

玉樹階前艷露光
居然火色逼人忙
詩思白戰難空手
酒到紅酣盡別腸
未肯衰頽輸富貴
可從絢爛論文章
年來白髮無情思
爲爾秋宵興欲狂

杏花

四首

馬蹄一日蹋輕塵
記取春風識面晨
紅雪入園依地主
碧洲環海會仙人
繁英接葉看仍好
老樹留香著復頻
未用玉溪生世問
固應認得此花身

倚雲無力裊輕裾
天上人間未隔居
盤待襯瓊情旖旎
坊尋碎錦

路紆餘蜀山蜀水憑相遇
桃葉桃根總不如
孰是抵將三影號風
流合讓宋尚書

玉環飛燕世俱希
那復從中別瘦肥
長苑春融花爛熳
陳簾晝靜雨霏微
暈痕疑帶三分酒
艷質仍披一品衣
怪底相逢矜縞袂
羅浮月下影依稀

二十四番風信遙中和
恰記是花朝
歲星爲爾添明爛

典術杏爲歲星精

春意遲君慰寂寥
斐几淨排香半炷
膽瓶斜挿水新澆
張家亭館

知何處疑過揚州第幾橋

用張宴太平園事

李花

四首

粗俗誰教說滿山惱人時在竹籬間定知有覺

用高僧瑞
李贊語

難傳意

却是無言亦解顏塵空撲來神自靜鉛華洗盡態俱閒最憐泛酒
標題外綠鬢斜窺見一斑

風韻曾登碧落堂彼纓恰好趁時光白頭休寄文園句素面仍脩
號國妝分與梨花同澹雅生憎柳絮太輕狂忍寒半臂紛如許莫
混金釵十二行

纂纂俄看子滿枝開花此際固非遲佳人獨立多含思貧女無媒
恐過時夜影朦朧迷月色春寒料峭抱冰肌傳神那得尋元九萬
朵輕綃五字詩

曾聞玉葉

李名

出仙家下界移根果是耶宿習固應依萼綠小名悞

與伴昭華

穠李昭華王晉卿二妾名

望疑聚雪香還逗夢不干雲瘦轉加簾外

斜枝窗外影祇須留汝當梅花

番繡毬花

二首

年來未見牡丹花夢斷題詩浙水涯誰與唾絨裁別樣却教刺繡
得芳華香塵不著團團月脂粉無多澹澹霞增又何長減何短窺
牆愁憶舊東家

送春風日鎮暄妍恰是歌傳緩緩天身病不禁携酒榼官貧猶費

買花錢

花從觀音鋪買回

碎雲朶聚開全面脩竹叢遮露半肩又換褪紅